


387

g. 4



887 g 4

FANCH-GOS,

PE

PERAC HAC ABALAMOUR;

HA

MICHEL-PIPI,

PE

AR FARCER BRETON.



E MONTROULEZ,

E ty LÉDAN, Imprimer-Librer. — 1837.

MIGNON LENNER.

Cetu amañ c'hoas sul Levric pehini marteze , a ello plijout d'ec'h , dre ma ranferm meur a dra agreabl da c'houzout.

Beza e zeus , evit gñir , levriou gallec , e pere e zeo ranfermet an traou-ma oll ; mes evit o c'hompren e zeo ret gouzout ar gallec : da c'hortos se , ec'h ellot bepret desqi ar pezh so ranfermet en emañ , e *Simon a Vontroulez* , e *Beilladegou tud divar ar Meaz* , e *Guizieguez ar Pautr Còs Richard* , er *C'honferançou Curius* , etc. Rac , evel a leverer : da c'hortos caout boutou un den maro , e renker bale diarc'hen. Felvezout a ra din lavaret penos e tleer bepret profita hac orni ar speret demeus al levriou mad a so scrifet e brezonec , da zeport ma vezo disqet ar gallec ; rac certen mad eo en em angravo dounnoc'h er speret , hac e vezo calz muioc'h a blijadur o lenn ar pezh a gompren , egueto lenn ar pezh na gompren get.

Dre ma zeo an descadurez un ezom , ma zeo ar studi un dever , e vez mezus nonpas ellout en em renta cont demeus ar remercou simpla a sco bemdez hon daoulagad : a hend all , ha na gaver get er memes amzer er studi plijadur ha profit ?

Yaouanc ha còs e qestioner , hac e c'houlenner alies *Benac* ? Rac-se eta , evit ho contanti , hon eus sonjet ober al *Levri-mañ* , evit ellout amusi ar momentic benac al *Lenner*.





FANCH-COS

HA

MICHEL-PIPI.



G. *PERAC en amzeriou tom, ha dreist oll en un amzer arneu, e zomp-ni lound, scuis ha dies?*

R. Abalamour an ear, sqignet dre an domder pe carguet a c'hlebor, na boez mui varnomp gant nerz avoalc'h evit delc'hel ingalamant an hini en em gav en diabars ar c'horf, hac an ear interior-se ouz en em sqigna, a occasion ar genamant a santomp neuze.

G. *Perac e crev ar c'histin gant trous, pa n'o faouter qet qent o laqat el ludu tom?*

R. Abalamour an ear ranfermet dindan ar blusgen, o tont d'en em sqigua dre an domder, a agis gant qement a nerz, evit en em digueri ur passach, ma eprouv qement a resistanc; evelse ive, pa vez teo ar blusgen, en em fraill gant trous bras. Na êru qet se, pa ve faou-

tet ar guistinen; rac an ear, ouz en em sqigna, a guez ur passach dre behini ec'h achap libramant.

G. Perac, pa laquer dour pe vîn en ur voutaill gant un antonouer, e suill hep m'en em garg ar voutaill?

R. Abalamour an antonouer a stouf just gouzoug ar voutaill, ha na lèz nep passach d'an ear interior, pchini o veza chasseet dre an dour, eus a behini ar poez a so crénvoc'h eguet hini an ear, a so forcet da sortial dre digor an antonouer, hac a bouls an dour.

G. Perac, pa rër tân, e pign ar mogued?

R. Abalamour an ear a encern an tân, o veza sqignet dre an domder; en em sav varzu an nec'h, en eur dreina a lodennou vian eus ar mogued, pere a so scánvoc'h eguet re an ear; evelse un dra scánv, plonjet en dour, a deu atao var gorre.

G. Perac e varv ar pesqet en ur stanc, pa vez scornet stard ar stanc?

R. Abalamour an ear necesser d'o alanaad, ha dre se d'o buez, na ell mui êruout en o bete. Important bras eo éta ober toullou e meur a andret eus ar scorn.

G. Perac na dleer qet laqat an dud beuzet o fenn d'an traon?

R. Abalamour ma zeo nebentoc'h an dour o deus evet e deus o asphixiet eguet ar manq eus a droydelladur an ear; mar laquer eta o fenn d'an traon, e zeo ur güir voyen d'o mouga, en cür brodui un dastum goad etrezec

an empen. Ret eo, evit o c'belvel d'ar vuez, essât retablissa troydelladur ar goad dre un domder moderet, dre frotteres, dre implich liqueuriou crén; ret eo c'hoeza, gant ar guenou, en o frounellou, hac en o guenou memes, ha dreist oll, o zalc'bel astennet en eur situation naturel.

G. Perac, en eur c'hañ leun a vñ en goñdiguez, ur c'houlaouen na ell qet chom alumet?

R. Abalamour ar vorennoù pere a achap eus ar gññ neuze, hac a ramplac an ear, ne dint qet a natur na da antreteni nac an tññ nac ar vuez; rac un den pehññ a blañfe e fri e toul bon; ur variqen vññ e goñdiguez evit ruññ ar voren, a guññfe reud maro, evel scñet gant ar gurun. Guelet e zeus meur a exempl.

G. Perac, pa bourmener var ar meaz epad nosveziou caer an nevez-amzer hac an discar-amzer, an dillat en em c'holo a c'hlebor?

R. Abalamour tomder an deiz a sav e morennou, moguedennou, pere, ouz en em yena, adalec ma en deveus achuet action an col; en em stard hac a goez a nevez en glao meurbet fin : se eo ar peññ a c'halver ar gouzien.

G. Perac ar plant hac an deillou a so goloet a vanac'hou dour goude un nosvez gaer a amzer nevez pe a ziscar-amzer?

R. Abalamour ar voren a so en em savet epad an

deiz, seziat dre frescadurez an nôs, en em stard hac a goez dre effet e boesder; en em staga ra ouz qement tra a so exposet d'an ear libr : se eo ar peza c'halver ar glizen.

G. Perac na remerqer qet a c'hlizen, peguement benac e vez bet an nôs caer bras, pa vez bet avel bras?

R. Abalamour action an avel a zissip ar vorennou, hac a ampech o stardidiguez.

G. Perac ar yeot en em c'holo avichou a damouigou scorn guenn epad an nosvezioù caer?

R. Abalamour yender an nôs o sesissa ar banac'hou glizen, pa vez an ên pur bras, ar banac'hou-se en em gonyertis en tamou scorn, pere a hauver reo-guenn.

G. Perac e ra brumen?

R. Abalamour ar vorennou hac ar voguedennou pere a so en em savet eus an douar, stardet dre ar yepien, ha re bonner evit en em delc'hel re huel en ear, a chom neuze izelloc'h, e pelec'h ec'h alteront transparanc an ear, hac a goez a lodennou en glao munudic.

G. Perac en em dissip ar vrumen?

R. Abalamour elvennou an eol a dreant anezan, en sqign dre effet o zomder, ouz en renta scânvoc'h, en angach d'en em sevel e form a goumoul, pe en dismant antieramant.

G. Perac e veler réo-guenn pe frim?

R. Abalamour an objedou da bere en em stag ar vru-

men, ouz en em gaout goal yennê, ar banac'houigou glao en em scorn qerqent, hac a c'holo evelse brench ar gonez, ar plant sec'h, bleo ha baro ar beacherien, etc.

G. Perac carosennou güer ar prenestou en em c'holo a rêo-guenn er gouân?

R. Abalamour an ear interior, pchini a so tom ha carguet a voren en em doug diouz ar garosennou, hac e coll neuze e domder, ec'h abandon er memes amzer an humidite a zalc'he en dissolvanc; ar voredennou-se en em stard, en em arrêr diouz ar güer, ha mar teu ar yenien exterior da veza re lem, en em chenchont en scorn.

G. Perac an oll gounabrennou na savont-int qet er memes hueldet en ear?

R. Abalamour, mar deo clarifiet ar vorennoù eus a a bere en em formont, e parvenont da un hueldet vras aroc en em starda en gounabrennou; er c'hontrol, ar voguedennou ar grossiera, o veza pounneroc'h, en em stard gentoc'h hac a flot en ur c'hevren izelloc'h.

G. Perac ar gounabrennou a brodu glao?

R. Abalamour ar banac'houigou dour a gompas anezo, o tont d'en em unani, a form banac'hou re bonner evit ma elfe an ear o souten; neuze e coezont var an douar trainet dre o foz o-unan.

G. Perac e comzer eus a c'hlaogoad, souffr, tñ, etc.?

R. Abalamour ar bobl ignorant a guemer, hep examina, evel goad, souffr, etc., ar pezh a so control da se. Tud savant o deus prouvet penos ar signou-se a broven demeus a ur seurt poultr plant anlevet-gant an avel ha tolet avichou pell bras. Evit ar glao tân, beza e zint certenoc'h, mes cita a rêr nebeut a exemplou.

G. *Perac ar glao a burifi un ear?*

R. Abalamour-ma tiscar ar voguedennou a sorti ouz an douar, peré en em dastum en ear epad deveziou a sec'hor. A hend all, ar glao a fresca an ear, rac al lec'h eus a behini e coez ar glao a so atao yennoc'h eguet al lec'hioù a so tost d'an douar.

G. *Perac e coez grizill e creiz an hân.*

R. Abalamour ar vorennoù o veza meurbet distrizet dre an domder, a bign huel bras, e pelec'h ar yenien o c'hemer hac o rent d'abord en tacadennoù dour, ha neuze en scorn.

G. *Perac ar grizill a so avichou qer bras evel ur graouen pe ur vi?*

R. Abalamour ma teu meur a c'hreunen d'en em unani assambles en eur goeza, pe autramant pa o deves recevet un degre a yender avoalc'h, e scornont an oll beradouigoù dour a douchont en eur goeza, hac e teuont neuze da veza evel un dastum demeus a veur a gouch scorn; dre se eo e zeo ar grizill bras atao goal begueg.

G. *Perac na gléyomp-ni nemet ur vech hep qer*

*ar memes son, peguement benac m'hon eus diou
seouarn?*

R. Abalamour ar son a sco lodennou pere o deus ur
poent a union commun en cmpen. Na eprouvomp get
eta nemet un effet, mes doub! eo demeus ar pezh a vez,
ma n'hor bez nemet ur scuarn.

G. *Perac en deiziu cuer eus an hân, an eol o se-
vel a so accompagnet eus a un avel fresq ha scanv?*

R. Abalamour tonder an eol o sqigna an ear, er forc
da occupi ur spaç brassoc'h, ha da chasscal an ear tosta,
pehini en em sil neuze etrezec an andrejou e pelec'h e
cav nebeutoc'h a ampechamant.

G. *Perac en hor broyou aveliou ar Sav-Eol a so
peurvuia sec'h?*

R. Abalamour ma treuzont calz a gontreou douar,
nebeut a vâriou, ha na ellont dre se en em garga a vo-
rennou gleborec.

G. *Perac avel ar C'hreis-Dez a so tom ha gle-
borec?*

R. Abalamour an avel-se a deu deus an Afriq pe de-
meus a gontreou an domder, a bouls dirazàn moren-
nou tom; neuze e tremen a uz môr ar Meditteranee, e
pelec'h en em garg a vorennoù glebor en em chench en
glao, pa zint seziet gant yenien hor brô.

G. *Perac an avel Nord a so yen hac alies glaoyec?*

R. Abalamour an avel-se a deu deomp demeus a

vroyon penn ar bed, e pelec'h e zeus menezioù scorn
eternel, pere a sqign ur yenien vras meurbet. An avel-
se, a hend all, a dreus calz a vôriou eus a bere ar vo-
rennou a form gounabrennou a zigas gantàn.

*G. Perac an avel Gornauc, pehini a dreis an
Ocean, na ro get atao glao?*

R. Abalamour an avel-se, evitàn da zont eus ar gornauc
pe deus a bep poent all e pelec'h ec'h ell en em garga a
vorenou, a c'houez avichou en ur seurt direction, mar
tissip ar vorenou-se en un hueldet avoalc'h eus a eaf
evit ma ellint en em starda dre ar yenien, hac en em
reduisa en tacadenou glao.

G. Perac an avel a ra trei ar velinou avel?

R. Abalamour pèvar asqel ar velin a so evel qen alies
a linvier, hac e presantont o faç a gostez d'an avel. An
nerz a agiss hep cess var ar peder asqel-se, troet a du, o
forç da arguila; hac e zeo en eur guemer ar mouvamant-
se e troont hep en em arrêti.

*G. Perac certain plant a zivoan var an-touriou,
var ar vuirailloù?*

R. Abalamour an avel a sav, gant ar poultr, an had
eus ar plant-se, pere a so laquet da germi dre ar glao.

G. Perac an dour a deuz ar sucr, an hollen, etc.?

R. Abalamour lodennou an dour, ous en em sila
er sucr hac en hollen, a zisparti al lodennouigoù o
e hompos, hac e reduisont anezo qen munut, m'en em

sqignont neuze e peb lodennic eus an dour.

G. Perac, pa blonger e fonç ar môr, dre sicour ur poes, ur voutaill gollo ha stoufet mad, en em garg ar voutaill-se a zour e nebeut amzer?

R. Abalamour ar voutaill, dre forç da zisqen, a so en em gavet en couchou dour qer pōnner, ha dre effet ar stardidiguez, certen lodennou holer munut bras o deveus en em grêt ur passach adreus dre ar voutaill, hac a so autreet enni, gant lodennouigoù dour.

G. Perac eo sall an dour môr?

R. Abalamour ma talc'h en teuz lodennouigoù holer a denn deus an ear, ha marteze ive demeus a ur min benac en em gav e fonç ar mor; mesqet eo demeus a vatiériou (soufrec) pere a ro dezi un c'hoervder disuportabl; ranfermi a ra ive sustancou anevalet pere a broven eus a digomposition ar c'horfou, hac a vreïn bemdez en e c'hreiz.

G. Perac an dour glao, pehini a broven gouscoude eus a voren ar môr, a so douç?

R. Abalamour an dour môr o sevel en moren a abandon an holer eus a behini eo mesqet, ha generalamant an oll materiou pouner na ellont qet en em sevelevelli.

G. Perac, pa c'houlonterer ur voutaill leun a zour, an dour a sorti d'abord difficilamant?

R. Abalamour an ear exterior a ra d'abord ampechamant da ziver an dour; mes qerqent ec'h antre nebeut

ha nebeut er voutaill, hac e sicour an dour da sortial.

G. *Perac, mu scuiller dour en ur gobelet, ha mar scuiller neuze güin goustadic var un tamic scàn a vara, placet er gobelet, ar güin en em dalc'h var an dour, hep en em vesca gant an dour?*

R. Abalamour ar güin a so un nebeudic scänvoc'h eguet an dour. Ober a rêr se memes hep barä. Avoalc'h eo scuilla ar güin a dacadennou ha gant eves. Dabord e veler ar beradennou o vont d'ar fonç hac o pignat qerqent var gorre.

G. *Perac, pa vesqer güin gant dour, ha pa blonger neuze enne beg ul lizieren, pe un tam mezer trempet er güin, ha a ve placet ar beg all en ur vessel gollo, përac en em separ ar güin diouz an dour?*

R. Abalamour ar güin en deus muioc'h a affinite, da lavaret eo, en em unan guellóc'h gant ar güin eguet gant an dour; en em denna ra eta etrezec an andrejou güinec eus ar mezer, pehini ouz en em gaout souden re c'bleb, a lès cueza er vessel gollo ar pezh en deus a re.

G. *Perac un tam houarn hac un tam coad deus ar memes vent, n'o deus-int get ar memes poes?*

R. Abalamour an toullouigou meurbet bian en em gav er c'hoad a ro ur golonterez brassoc'h eguet an houarn. An houarn a so c'hococ'h eguet ar c'hoat.

G. *Perac un den lard a neuz ézetoc'h eguet un den treud?*

R. Abalamour al lard a so nebeutoc'h stard eguet ar c'hig, ha dre se scànvoc'h.

G. *Perac ar rivierou o deus o sourcennou e traon ar menezioù?*

R. Abalamour ar menezioù, dre o huedet, a denn dezo ar goabrou, a bresant muioc'h a blaç d'ar glao ha d'ar vrucennou, hac e zint a hend all goloet a erc'h a deuz a nebeut, hac a brodu diredadou cuntenuel. An diredadou-se a dreant en calon au douar, a sil adreus d'ar reyer, hac a achap e traon ar menezioù.

G. *Perac e teu an dour sac'h d'en em gorrampi?*

R. Abalamour deillou, plant ha traou all en em dastum euni, poulset gaut an avel, pe treinet gant ar glao-crier, hac en em digompos; an amprevanet a dol o viou, pere a deu soudan da c'hôvi, hac a brodu un niver bras a brénvet, pere, goude o maro, a zoug ar breinadur.

G. *Perac en em burifi an dour red?*

R. Abalamour ar mouvamant o deus en o red, a laqa hep cess an ear da antren en o lodennouigoù, hac a ampech ar goydiguez; dissolvi ha morenna a reont an oll materou breinus hac ar principou a gorrupcion a deu dezo demeus an douar; leusqel a reont var ar bordou, dre effet o boujamant, ar sustançou na ellont qet da zizober.

G. *Perac e zeo ret caout nebeutoc'h a dâñ var ur menez evit laqat an dour da vervi, eguet var ur blenen?*

R. Abalamour stardadur an ear o veza nebeutoc'h crén en andrejou huel, an domder en em sil en dour a domer en deus muioc'h a facilitate evit diblaci al lodennouigou eus an dour.

G. *Perac an dour pur a anlev nebeutoc'h an tarchou, eguet an dour lijou?*

R. Abalamour er güelc'hadur, ear beoc an dour en em stag ouz ar mezer hac a deuz ur c'houch scàn v e pehini en em gav an tarchou; an operation a so primoc'h mar cresquer nerz an dour, hac e zeo ar pezh a êru pa laquer luda da vervi pe pa deuzer pe saon pe ar suc eus al luda.

G. *Perac e veler er gouân ur vogueden o sortial deus ar fri pe deus ar guinou?*

R. Abalamour ar voreden a chasse gant an halan en em gav er gouân ractal sesiet ha stardet dre ar yenien; da lavaret eo, penos an domder a zalc'h ar vorennou en teuz o tremen en ear yen evit en em laqat ingal pe en em sqigua er memes tra dre oll, lodennouigou moren en em dosta, hac o tont da veza brassoc'h, en em disquezont; qementse n'en deus lec'h, en hân, nemet diouz ar mintin, pa-zeo remercabl frescadurez an ear, mes en creiz an deiz, an domder, elec'h achappi diouz ar voren a behini e comzomp, en em multipli er c'hontrol hac o digas c'hoas davantach; evelse ive e zint-oll invisibl.

G. *Perac e frot ar c'hicher o diousscouarn gant o fao, pa dle ober glao?*

R. Abalamour ar c'hlebor en em sqign en ear, ouz en em introdui ivez e bleo an anevaled-se, a ro lec'h da galz a vouyamanchou a ra un drebron pehini a fell d'ar c'hicher laqat tremen, ouz en em grafa. An dud a sant eur seurt effet er memes cas; o bleo a zigas ivez debron dezo.

G. *Perac ec'h aparis an én glas deomp?*

R. Abalamour an ear a garg ar hed, e devez ar pouvoar da lonca an oll sæsiou, sepet ar glas pehini a gonserv.

G. *Perac, pa seller en dour, e veler ar penn d'an traon?*

R. Abalamour gore an dour a dle beza ataq en distanc ingal ouz ar c'horf a bresanter dezàn; evelse, p'en em seller en dour, dre ma zeo an treid an tosta, e zint merget da guenta; ar penn, er c'hontrol, o veza ar pella, a vezo merget en un distanc ingal cus ar gore hac a baris pelloc'h eguet an treid.

G. *Perac e veler avichou ur ganeveden, pe e ra glao, pe ne ra qet?*

R. Abalamour ar ganavedennou en em form dre digomposition sæziou sclêrius an dacadennou glao. Ar burzudou-se na observer hemet pa en em guever placet etre an eol hac an oabren var behini ar ganeveden en em dessin.

G. *Perac ar c'hoat brein a baris sclêr en devalligen?*

R. Abalamour ar c'hoat-se en devez ar vertus d'en em intra, evit el lavaret, demeus an effet sclêrigennus, pehini en em sqign en devaligen.

G. *Perac ar c'hicher a voel goelloc'h eguet an anevalet all en devaligen?*

R. Abalamour mab o lagad o veza goal ledan, e recevont epad an nos calz muioc'h a sæziou eguet ar re-all, ar gaouen hac an oll lapousset nôs a so er memes cas.

G. *Perac al loar, pehini so biannoc'h eguet ur stereden, a seblant deomp calz brassoc'h?*

R. Abalamour al loar o veza tostoc'h deomp, en em bresant d'hon daoulagad dindan ur fêçon digorroc'h : ar figuren a verq var fonç al lagad a so eta brassoc'h eguet hini ar stered.

G. *Perac an Eol hac al Loar a seblant deomp brassoc'h pa savont pe pa guzont, eguet pa zint savet a us deomp?*

R. Abalamour ar sæziou a deu deomp deus an astrou-se, o treuzi adreussoc'h hon ear, en em sqign un nebeut er vorennon a so a dost d'an douar.

G. *Perac eus a fonç ur punç e veler ar stered e creiz an deiz?*

R. Abalamour e fonç ur punç squeud ar stered a so crénvoc'h eguet hini sclêrigen an eol; rac sæziou ar stered a goez eon var an doulagad, hep beza bet feplêt gaut nep sæzen all; sæziou an eol, er c'hontrel, o veza

lancet a gostez, na scoont an daoulagad nemet goude beza bet seplêt dre ar saziou pere en em oïer var mu-raillou ar punç.

G. Perac e zeo tom an dillat gloan er gouân?

R. Abalamour an dillat-se a so cunduerien fall a domder; delc'hel a reont, dre gonscant, hini ar c'horf, hac en ampech da vont er meaz.

G. Perac e zeo dangerus en em abrita dindan ur vezen epad un arneu?

R. Abalamour ar goez, o veza beguec, a ra effet ur paracurun; chass a reont eta deze ar matier curun, hac a occasion alies un discarg var an dud imprudent a ya da glasq un abri dindan o deillou.

G. Perac ne zeus nep danger diouz ar gurun, pa vet en dour?

R. Abalamour a re eus a vatier ar gurun en em lès cundui qen buan dre an dour, na ra nemet raza an traou glebiet.

G. Perac na dleer qet son ar chleyer evit pellât ar gurun?

R. Abalamour an touriou o veza ordinalamant goal huel ha beguec; a denn dezo ar gurun, dre mouvamant ar c'hloc'h, a form ur red a denn ar gurun elec'h er pellât. Ha c'hoas, ar c'herden o caout ur vertus a gundu, a gommuniq ar red d'ar sonerien imprudent, pere a beris evelse alies, victim demeure o ignoranc.

G. Perac e cresca ar glao ractal goude ar gurun?

R. Abalamour matier an arneu, eus a behini an discarg a brodu ar gurun, en eur guittât ar gounabren e pehini e voa dalc'het, a bermet d'ar strillou dour a rannfermi separet, d'en em unani, hac ar strillou-se deuet da veza brassoc'h, a goüez dre effet o fonnerdet.

G. Perac e veler avichou luc'hed hep clêvet nep tars curun?

R. Abalamour an tarson-se a broven eus a un arneu pell bras; rac sclêrigen ul luc'heden pehini en em form en bueldet un anter-leo en ear, a ell en em appercevi en distanc a 45 leo; trouz ar gurun, er c'hontrel, n'en em sqign nemet ervez ur sæzen a bemp pe c'hoec'h leo.

G. Perac e clêver an aliessa ar gurun ur pennad goude ma vez goelet an tars curun?

R. Abalamour ar sclêrigen a veach gant un hevelep buander, mar red 70 mil leo dre seconden, a sco hon daoulagad er moment meines eus an drous; mes ar son na red nemeur nemet 8 pas bep seconden : naturel eo eta ma velimp al luc'heden aroc clêvet an tars, dreist oll mar sco pell diouzomp. Gallout a eller hanavezout pegueit ena ar gurun dre an amizer a dremen etre apparition al luc'heden hac an tars curun. Mar tremen ur seconden, e zco ur breuven e zomp en distanc eus a vil pas deus a gounabren ar gurun; hac evel ma sco al pouls var dro ur vech bep seconden, qen alies a vech ar sco en em neveza etre al luc'heden hac an tars, qen alies a vech e zoar pell eus a vil pas eus a andret an tol curun.

G. *Perac e leverer e zeo util an erc'h d'an douar?*

R. Abalamour, en eur c'holo an douar, e preserv an edou deus ar scorn, en eur gonservi ar memes degre a yenien a so bet necesser d'e formi, pehini eo an hini a c'henta scornadur. An erc'h a brodu ive d'an douar ur glebor pehini en em gonserv pelloc'h eguet hini ar glaoeyer, rac treanti a ra hac en em sil davantach en eur deuzi hac ouz en em renta e dour. Mes un erroleo credi e trua an erc'h an douar.



MICHEL-PIPI, PE AR FARCER BRETON.

G. *Petra eo na repos na nos na deiz?*

R. Ur rivier.

G. *Petra a c'hourdrous ha na lavar guer?*

R. Ar bis.

G. *Petra a so just hac ingal e peb tra?*

R. Ar balançou.

G. *Petra eo hardissa tra so er bed?*

R. Rochet ur meliner, rac bemdez e paq ul laer dre e gollier.

G. *E pezh amzer e ra an dent ar muia poan d'ar bleizi?*

R. Pa grog ar chass en o' feskennou.

G. *P'erañ e tro ar c'hi teir guech q'ent eguet cous-
get?*

R. Abalamour ne voar qet pelcc'h e mâ penn e vele.

G. *Petra na voe biscoas na n'e vëzo biqen?*

R. Neiz fogod e scouarn ur c'haz.

G. *P'erañ e rear fornioù er c'hærioù?*

R. Abalamour na ell qet ar c'hærioù beza grêt er
fornioù.

G. *Petra en deus q'erniel en e ziadraon?*

R. Ur sac'h

G. *P'ehini eo propria deillen so er c'hoad?*

R. An deillen qeleneo, rac n'en em dorcher qet ganti.

G. *P'eur eo e ra muia a boan d'an dent d'ar mes-
tri eguet d'ar servicherien?*

R. Pa zêbr re ar servicherien, herves e c'hrat.

G. *P'erañ e laqer q'entoc'h ur c'hoq eguet ur yar
e beg un tour?*

R. Abalamour en ur laqat ur yar, ha ma teufe da
dosvi, ar vîou en ur goeza a dorfe.

G. *Pere eo an dud na yeont qet d'ar procession?*

R. Ar re a c'hom da son ar c'hleier.

G. *Peseurt tud a c'honit o buez en eur arguila?*

R. Ar gordennerien.

G. *Petra na vel Doue james, ar roue ralamant,
hac ar paysant alies?*

R. E bal.

G. *Perac un den bian a so colerussoc'h eget un den bras?*

R. *Ahalamour ma zeo tostoc'h e galon diouz e vestl.*

G. *Pehini eo al loën an henvela ouz ur c'haz?*

R. *Ur gazez.*

G. *Petra eo an diou galeta tra so er bed.*

R. *Calon un avaricius ha penn ur vaouez.*

G. *Perac en em asten an eugenet?*

R. *Ahalamour na ellont get azeza.*

R. *Petra a so guenn evel an erc'h, glas evel prat, douc evel lèz, c'hoero evel husuill, caled evel coad, ha boug evel aval?*

R. *Ur graouen glas.*

G. *Piou en deus dent houarn, hac en eur debri a gri atao, hac a grog alies er re a ro dezàn da zebri?*

R. *Un esqen.*

G. *Petra eo en em goulonter dre e benn d'an nec'h, hac en em garg dre e benn d'an traon?*

R. *Ur punç.*

G. *Piou eo an dud a garfe beza born?*

R. *An dud so dall.*

G. *Piou eo a ya hac a deu, ha na chanch james a blaç.*

R. *Un nör.*

G. *Piou eo ar re a c'hano er bloa-mâ diou vech, gant treid griffou, baro plun, ha guinou corn?*

R. *Ar yer*

G. *En cant goele goarnisset, pet oreiller a vanco?*

R. Nicun, rac na ellont beza goarnisset hep oreiller.

G. *Piou en deus e gôf adrén?*

R. Gar an den.

G. *Petra a so guelet beo, a so bet guelet maro, hac a so bet guelet beo goude e varo?*

R. Ur c'houlaoüen, pehini a lazer hac a alumer.

G. *Pehini eo ar men preciussa ha necessera?*

R. Ar men mêlin.

G. *Petra a so gollo en nôs, ha leun en deiz?*

R. Eur boutou.

G. *Me ameus ho quelet e pelec'h ne zoc'h bet biscoas na ne yéloc'h, na ne ellit beza : lavarit din pelec'h?*

R. En eur mellezour.

G. *Daouzec lapous a voa var ur branc; tenna a ris varne, hac e lazis unan : pet a chommas?*

R. Nicun, rac ar re-all a nijas qüit.

G. *Mar teuont, ne deuint qet; ma na deuont qet, e teuint.*

R. Ur goas a had piz, hac a lavar : mar teu an dubeet, ar piz na deuint qet; ma na deu qet an dubeet, ar piz a deuyo.

G. *Peseurt differanç so etre ur barner hac ur bazen?*

R. Elcal, ur barner a ra sevel an dorn, hac ar bazen a laqa sevel an an troad.

G. *Petra a reomp oll er memes amzer, paour ha pinvidic, côs ha yaouanq?*

R. Avanc en oad.

G. *Petra a vel ur born a vuioch eguet an hini en deus e zaou lagad?*

R. Eleal, ar born a vel daou lagad da un all, el lec'h emâ gant e zaou lagad na vel nemet unan d'ar born.

— Eur c'higuer pehini a zougue atao lunedou var e fri, rac hêr-velet en devoa, o veza collet anezo, a guemeras re all, eus a bere ar gtier a vrasae calz an traou, ar pez a reas dezàn prena tri lüe evit tri eugen.

— Evit caout ar c'horaiñz hêr, e zeo ret caout ur baecamant da ober da Basq.

— Un autrou en devoa ur bern attret etal e dy, hac a lavaras d'e zomistiñ ober un toul evit o lagat. — Mes, autrou, eme emâ, pelec'h e lañ-me an douar a den-niñ? Imbicil, eme an autrou, gra un toul qer bras, ma ello tout antren ennàn.

— Un devez ec'h ejot da lavaret d'un autrou e voa crog an tân en e dy. — Qerzit, emezàn, da lavaret se greg; me n'en em emellàn qet demeus an tieguez.

— Ur mevier bras, prest da vervel, a lavaras da ur mignon rei dezàn ur banne dour, rac selvezout a ra diñ, emezàn, en em reconcilia gant va adversour.

— Ur goapaer fall a rancontras ur vreg a voa var gnein un azen : bonjour, emezàn, mam an azen : bonjour, va buguel, eme an an hini gos.

— Ur paysant a yas da gonsulti un avocat, pehini a lavaras dezàn : Va mignon, chom aze ur pennadic; bre-

maïc e teuïn da caout. Ar paysant a chommas, mes pell-amzer; scuiza rê, mes an avocat a guemere e amzer, rac en e blijadur a voa diouc'h taul. Evit en em dise-noui, hon den en em laqas da sellet ouz an traou brao a voa er gambr. Chom a eure dirac poltret ar president, e traon pehini e voa ar peder lizeren-mâ : P. P. Q. P., pere a sinifie : Pierres Pochard, Qenta President.

Ac'hanta, eme ar president, pehini en devoa carguet mad e gôf, hac a erruas neuze : Ha te voar petra a sinifi ar peder lizeren-se? E feiz autrou : *Paysant, paour, gemer paciantet*. Ar president, contant eus ar respont, a guempennas asfer ar paysant.

— Un devez un horistal a glêvas lavaret e voa ul lein vras en un ty evit accordi var denez ar verc'h. E gôf a voa ger goullou hac un tambourin, hac e sônjas tra-pout e lein marc'had mad. Bonjour, emezàn, en eur antreal en ty. Clêvet emeus lavaret e tennezit ar verc'h, hac e roit dezi daou vil scoët. Ur proposition ameus da ober dêc'h hac ho laqai da c'honit mil; mes un nebeudic amzer a rancun da gaout evit e explica. — Ma! eme antad, azevit ouz taul hac e leinsomp assambles da c'hortose. — Emâ na c'houlenne qet güelloc'h; hac a zêbras evel pëvar.

Pa voe leinet, e c'halvas ar mestr a gostez, hac e lavaras dezàn : — Va mignon, daou vil scoët a roit gant ho merc'h; roit-hi din-me, hac en em gontantin gant mil scoët; evelse e chommo ar mil all ganêc'h.

Trugareqêt, e voe, hac er pedjot da sortial dre belec'h ar vaçonnerien n'o devoa qet laqet a vein !

— Ur paotr saout en em glêms d'e vestr, pehini a voa avaricius meurbet, ne roe ar mevel bras dezàn bennos evit e goan, nemet un tam bara hac ur batatezen. Galvet e voe ar mevel bras, hac ar mestr en ur gêler derrubl, a lavaras dezàn : — Penos, canfard, 'ha güir eo na roas bemdez d'ar potric qez-mâ evit e goan nemet un tam bara hac ur batatezen ? — Ia sur, va mestr, eme ar mevel. — Eh bien ! eme ar mestr, dre mâ fell din e ve bevet mad ar potric-mâ, na vanqit qet bivi-sigen da rei dezàn bennos evit e goan..... ur penh-oignon hac ur batatezen.

— Un ozac'h a voa eat en qer da gonsulti un avocat, hanvet an A. Ebeul ; mes dre na vouie qet e hano, nemet hini ar ru e pehini e chomme, e c'houlenнас gant ar bourc'his pelec'h e voa ty an A. Marc'h. Ar bourc'his a respontas dezàn ne voa den er ru deus an hano-se ; mes penos e voa dirac ty an A. Ebeul, avocat. Justamant, eme an ozac'h, se eo ; mes dre n'en don qet deut d'e gaont abaoe pemp bloas, en deus bet anzet avoalc'h da zont da veza marc'h deus a ebeul e voa.

— Un hostises a voa o verza gist en eur pardon, hac a grie var boes penn : D'ar gist mad ! d'ar gist mad ! C'hoec'h goennec ar voutaill, c'hoec'h goennec ar voutaill !.... Ur farcer fall a voa en tu all eus an danteu,

hac a grie ivez eus a nerz e gorsaillen : Allon, mignonnet, tostait..... D'ar gist mad! d'ar gist mad! Pêvar goennec ar voutaill, pêvar goennec ar voutaill. — Ah! eme ar vreg, ar fripon-se a vezo caus na verzin banue gist! Oll e tiredet d'ar gist a bêvar goennec, hac en nebeut amzer e voe scarzet ar variqen. Anfin, pa voe golouñteret, e teujot d'ar vreg, da c'houlén eus e gist, o sonjal e vòà matoc'h. Mes, ô maleur! pa zeas da drei an alc'hoez, na sortie strill, hac hi o coll paciantet hac o tenna ar bond.... Ne voa mann er varriqen. An hostis all en devoa grêt un toull e penn adréñ eus e bariqen, ha goerzet evit pêvar goennec gist ar vreg qez. Sonjal mad a rêr ne voa qet het o lavarât dezi peur e zeas en e rout, hep laqat e dreid en e c'hodellou.

— Un autrou, o tistreñ diouz ar classe, a voa prest da vervel gant ar sec'het; caout a réas ur feunteun, ha dre ma en devoa tom bras, ec'h evas dour en tu-all d'e ezom. Mes clàn bras en em gavas en eur êruont en e dy, ha ne zaleas qet da vervel. E heritour, pehini a voa paour aroc, o tremen e qever ar feunteun-se, a lavaras gant ar brassa apazoudeguez, o sellet outi! Ah! feunteun miraculus! te a c'heus grêt daou dra gaer : te a c'heus yac'het va contr diouz ar sec'het, ha me diouz an naon.



PRONOSTICOU

TENNET EUS A STAT AL LOAR, HAC EN GENERAL
EUS A VEUR A DRA ALL.

Amzer fall.

Cundu an den hac an anevalet a zalc'h calz eus a chenchamanchou an ear en e stat a starderez, a c'hlebor a demps an ear, etc.

Pa dosta an amzer fall, ar rem, ar gouliou ancien, ar c'herniel treid a neveza ar boaniou.

Al lapousset dour en em sav var o fattou, a sco o diou-esgel, a bouls criadenou hac a seblant en em rejouissa; ar güenniliet a nich izel bras; ar c'hegui a gân diouc'h an nôs da heuriou digustum. An dubeet a sao prim en ear.

Ar Plant.

An deillou melchen en em eüna; an ascolen a strill ouz un treust, en em stard hac en em serr, lostou ar c'hivni goez en em dro calz.

Traou hep buez.

An trous a bell a glêver güelloc'h; ar glebor ha calz a draou; c'hoesidiguez ar c'hoad; ar c'hoes crévoc'h

eus an teil, an tñ languissant en oaled; ar moguet na
high qet eon; an husuil o coeza diouz ar chiminal.

PRONOSTICOU EUS AN EOL.

Sin a amzer gaer.

Pa zeo sclër ha luguernus an eol pa zav; p'en em dis-
queuz en eul liou aour ha rüs, pa gousq en un eê pur.

Sin a c'hlaö, pa zisparis ar gouabrennou goude ar
sav eol.

Sin a arñeu, pa zeo encernet an eol, gant ur c'helc'h
guenn, pa zeo an ear brumet; var vor, tempest ha
corventen.

Ma tigor zæziou an eol ar gounabrennou, en eur
formi mercou hir eul ear.

PRONOSTICOU

TENNET EUS A INSPECTION AL LOAR.

An amzer a goullmanç gant al loar a so constant
avoalc'h epad ul loden eus e zro.

Mar deo neat e c'herniel ar bëvare dervez, ec'h eller
esperï amzer gaer epad pevar dervez aroc ar c'haun, hac
avichou epad tout ar mis; mar deo rüs ar c'herniel pe
encernet eus a ur rüs blêm, ec'h eller lavaret e vezo a-
vel pe corventen; mar diut blêm ha rontie, ec'h eller
sönjal en glao.

Disgal loar sclër a annonç un amzer gaer; rüs, avel;
tarchet, glao bras, tempest.

An aveliou a êru el loariou nevez hac er c'hannou
a annou ur chenchamant amzer.

Pa baris al loar brassoc'h eguet an ordinal, pa baris
oval, pâl, goloet eus a ur voel tenval, hac encernet de-
meus a ur c'helc'h, qementse a so sinou a c'hlaou.

Ar bempet dervez eus al loar a so sujetloc'h d'an tem-
pestou, herves remercou ar vartolodet.

Al loar o veza het euzet gant counabrennou, mar
c'hoez ar bêvare devez avel Su, an amzer a vezo fall
epad oll padelez al loar.

PRONOSTICOU VAR AR YENIEN.

Sin a yenien eo :

Pa zeo vif tan an oaled, pa en em anflam buan ar
c'heuneud, hac en em dua en glaou.

Pa zeo nombrus ar stered, brillant ha bouius.

Pa en em dastum al lapousset en bandennou ha pa
dostaont d'an ties.

Pa zeo sec'h ha ridet an daouarn.

Pa zeo divezat ar c'hoez-deillou.

PRONOSTICOU VAR AN AVEL.

Sin a avel eo :

Pa veler un niver bras a stered o coeza.

Pa zeo rus an eol pa ya da gousqet, pa za ar gou-
abrennou buan.

Pa zeo guenn an eol en eur sevel.

PRONOSTICOU EVIT AR GLAO.

Ar glao a c'hlebor an douar hac a sqign ar frescadurez hac ar frouesidiguez; carga a ra an eara vorennou teo, a denn ar plant dezo, dre o deillou ha dre o c'hroc'hien. N'en deo nemet dre se en em vev ar plant eus ar vroyou sec'h ha sablonius.

Tleout a rêr sellet evel sinbu a c'hlaou :

1. Ar gounabrennou bras, du, gris, spaçus er memes tra, pe dastumet evel menezioù pe reyer berniet.

2. Ur gounabreunic gris foncet pehini en em disqueus en un tol en abardaezioù an hân, var un oabr sclêr.

3. Ar gounabrennou en em dastum d'ar c'hostêz control d'an avelioù Su ha Cornaùc pe a so poulset dre avelioù control, evel ma-zeo casi oll avelioù arneued.

Ar gounabrennou a encern ar menezioù pe en em drein en dro dezo ouz en em sevel varzu o lein.

Ar gounabrennou o tont diouz ar Su, hac ar re pere, opposet d'an eol, a bresant liouyou ar ganeveden.

Lavaret a rêr peurvuia :

Deiz gouel Sant Medard, pa ra glao,

E ra daou-uguent deiz atao;

Ha deiz Sant Gerves, glao pa ve

E pad daou-uguent deiz goude.



PRONOSTICOU TENNET EUS AR GANEVEDEN.

Ar ganeveden diouz ar mintin (e cornauc) a verc glao.

Caneveden diouc'h ar mintin,

A so devez ar pelerin.

Ar ganeveden livet caer ha doubl, sin glao.

Ar ganeveden a baris meur a vech bemdez, sin glao
abondant ha cuntinuel.

Ar ganeveden goude ur sec'hor vras, sin glao abon-
dant.

Counabrennou disposet en curunennou, hac alies li-
vet a liouyou ar ganeveden, endro d'an eol ha d'al loaf,
dreist oll pa sav an astrou-se, a so sinou glao abundant.

PRONOSTICOU EVIT AR SÊSONIOU.

Nevez-amzer glaoec : calz a foen, nebeut a hed.

Nevez-amzer yen : cost divezat.

Nevez-amzer tom : frouez prénvedec.

Nevez-amzer sec'h : hân humid.

Gouân humid : nevez-amzer humid.

Hân humid : discar-amzer sclêr.

Discar-amzer sclêr : nevez-amzer humid.

A. Lécian

FIN.



V:1





